

Encunter sfurzar cun il proporz

(cp) Sut il presidi da cuss. dals stans *Stefan Engler* è il directori da la Partida cristiandemocratica (pcd) sa radunà a Panaduz. En il center è stad las finamiras per quest onn e las votaziuns dals 3 da mars 2013.

Quell'iniziativa n'è betg madira

Ins prenda a l'urna ina decisiun senza enconuscher las consequenzas. La pcd è da l'opiniun che quai na gaja betg uschia. Elecziuns da proporz portan ina americanisaziun da la tschernas. Da gronda mun-

tada èn ils meds finansials che stattan a disposiziun. Per in sez en il cussegl grond dovri – sco tar las tschernas al cussegl naziunal – glistas ch'èn dad emplenir. Il circol electoral stuess esser uschè grond che prest la mesadad da la regiuns fixadas è memia pitschna persuenter. Igl è da quintar ch'in circol electoral duess avair almain radund 10 mandats en il cussegl grond. Autras pussaivladads, sco per sumeglia il sistem dubel da Pukelsheim, èn cupitgadas e pon effectuar en circuls electorals che na l'emprim u l'emprima piazzada è

elegida, mabain ina candidatura dad emplenir per occupar ils sez tenor las vuschs da partida en l'entir chantun. Il directori da la pcd sa dosta detschartamain cunter ina svalitaziun da las regiuns e da promover tals politichers che èn si be per emplenir la glista e na francads en las regiuns,

Olimpia – be cun quel concept

Il directori da la pcd sustegna la candidatura per l'olimpia, uschè lunsch che l'IOC va d'accord cun il concept elavurà. Autramain pon ins barattar ina candida-

tura e quella na sa distingua betg dad autras candidaturas. Per la pcd èsi impurtant ch'ins mettia cun ils Gieus d'enviern 2022 in segn durabel che stimulescha ulteriuras candidaturas en l'avegnir dad imitar. A votantas e votants, cunsciens da l'ambient, vegn bittà sablun en ils eglis cun dir na al concept preschentà. Tras refusar han ils gieus d'enviern lieu insannua auter e tenor il muster da vegl ennà, numnadamain gigantesc e segund main strengas cundiziuns ambientalas che tar nus.